

明
詩
紀
事

明詩紀事

賁陽陳 田輯

四

鄭國寶 十三首

國寶字汝嘉蘭谿人嘉靖庚戌進士除婺源知縣徵

授兵科給事中改禮科以事廷杖削籍有卧雲堂集

田按汝嘉以趙文華子釋思齋祀停封日請假送父
帝大怒成釋思邊衛以禮科失糾劾汝嘉與都給事
中謝江等六人廷杖削籍歸時年三十八自號樸里
子汝嘉七言歌行五絕七絕風流跌宕大有古人遺
韻

關西老將歌

少年騎馬疾如飛長弓勁箭突重圍萬乘曾推雙轂送五侯

揖讓平交歸瀚海黃沙連朔漠天山月白聞邊柝一身轉戰
三千里陰風颯颯陣雲惡奮臂前驅斷月支橫行又奪胡馬
騎雕戈白日明秋漢大漠霜高響鐵蹕塞下人傳老都護軍
前共說長城固豈知歲月漸蹉跎老大逢人不相顧射虎將
軍竟不候收弋歸來空白頭聞說燉煌徵猛士關西老將淚
先流

土兵行

姑蘇城上烏夜啼姑蘇城下水平溪黃狼走去白狼逐土兵
搜得蠻兵妻花巾裹頭白裹腳勁弩強弓隨部落蘆管嗚嗚
夜劫商搶得黃金充囊橐海上鯨鯢終可除中州狼虎不堪
居一朝封豕衝突起殺人之性還有餘

金華詩錄：肅靖間，東南倭患棘總督尙書張經徵四方兵及狼土兵，議大舉趙文華獻平倭七策，因遣祭告海神，卽祭賊動靜。文華陰欲攘經之功，狼兵稍有斬獲，厚犒之，使進勦土兵。狼獾所由來也。初，嚴州賊作亂，都御史陳金奏調廣西狼兵征之，季獻吉作土兵行當時情形，亦復爾爾。

聞歌

十二秦箏壓指彈，雲屏步障最相憐。
流霞暗度樓前月，散殺明珠玳瑁筵。
紛紛爭相愛芙蓉，千尺明仙隊小腰。
誰復惜瓊枝乍汎風光上，環珮梁塵暗落起新聲。
門寵含情滿座驚，眼中粉黛空姝麗。
盡道蛾眉恨不平，別有高臺上涼日。
朱甍翠牕遙相憶，春風來蕩河陽花。
楊柳低纖堪把惜，鴛鴦宛轉金縷曲。
翡翠玲瓏雲錦絨，華燈忽照珊瑚枕。
小婢收將火浣衫，長安貴客金如土。
袒臂登堂愛歌舞，當壚快飲三百杯。

長江作醉虬作脯不道今生不解愁相逢便欲脫吳鉤殷勤
那計百年事白日聊隨江畔遊

聞陸錫山掌科落職

造物忽如此君才獨可憐風塵餘白首窮達付蒼天夜雨燈
前草秋帆渭上船逐臣應有恨遲爾越江邊

縱鹿

并序

山人饋余鉅麋頭角崢嶸然毛色純黑疑千年物也
決藩縱之侑以四韻他日相見于瓊玉山頭須爲余
頓轡華陽洞口

谷口隱深霧重巖午不分此間有豐草好去卧玄雲樵客醒
殘夢宜春憶舊羣赤城應不遠爲我訪茅君

古別離

江上芙蓉花一別一回老
看取秋風來紅顏爲誰好

古意

海門初日上照見望京樓
下有北去船揚帆過石頭

小園

簾捲風生席墻低月到庭
豆花棚下坐一卷種魚經

柳枝詞 二首

白板橋邊楊柳枝
美人樓上勸瓊卮
千條萬縷不堪折
舞翠臨風欲向誰

水榭風生市地垂
曉粧臨鏡鬥蛾眉
未須展盡黃金色
不與江亭管別離

邊詞

白骨未收城下土黃沙又起塞邊風孤城百戰心猶壯夢裏
還開五石弓

畫鷹

萬里長風吹雪毛霜眸歷歷見秋毫須教平野無狐兔眼下
何人爲解條

驄馬

驄馬金羈碧玉鞭玉郎騎坐大幽燕醉來忽墮青絲轡又向
高樓一夜眠

徐學謨十六首

學謨初名學詩字思重改字叔明蘇州嘉定人嘉靖

庚戌進士授兵部主事改中書舍人以憂歸起禮部
郎中出爲荊州知府以事罷歸起南陽知府進湖廣
副使改江西以右僉都御史巡撫鄖陽擢禮部尙書
加太子少保有海隅集七十七卷春明稟十四卷歸
有園稟二十九卷

靜志居詩話宗伯本名學詩以與刻分宜者同姓名
遂更爲謨雅負詩名然多儒響殆肖其人
田按宗伯論詩云近來作者綴成數十語如黃金
白雪紫氣中原居庸碣石之類自以爲前無古人小
兒效顰引爲同調南北傳染終作腐風蓋爲學王李
者而發又謂王元美兄弟詩文皆作秦聲初閱則驚
細觀則厭然余閱其全稟五古超步晉宋時有合作
七律猶是李王成派七絕流美頗有俊聲其才去李
王甚遠觀其海隅集自敘云廬三十年之力揆於今
之作者猶夢夢也矧曰古之人哉自知審矣宗伯頗
好事在荊州日招致鸞池生輩引爲上客又作世廟
識餘錄其語頗駁此書余得藏之

仲夏日同田祠部楊白二主客集郊壇道院

端居積煩憂出門厭塵軌茲晨遶休暇忽起中林想折簡呼
友生攜樽恣還往偶依羽士邱立宮信幽敞暫解區中累果
諧心所賞楊靜山鳥窺庭虛夏木長白日銷篆煙青霞映書
幌當杯析疑義會意忽抵掌境悟寂喧齊妄遺神氣爽翛然
洞元化何似軒皇上終宴已忘疲清歌激慨慷還真如可期
及爾長偃仰

仲夏望日省僚宴集分韻得併字

燕州變徂暑端居想幽翫瞻茲對宛宇扶疏夏木盛寶筵襲
蘭華裾朗玉映無煩折簡呼都忘倒屣迎散吏意俱適佳
晨酌頻命雖處朝市喧而有雲林靜車馬自馳驅飄埃日紛

送何如罷素襟相將發高詠逍遙聊卜懽沈冥已中聖爲謝
同心者幽期稀合併

遊大慧寺作

塵羈埋素襟幽遐發深省物化諒有遷哲人貴所秉竭來倦
風埃休期忻合併矧茲秋氣佳鞅掌獲暫屏驅車遵郊陌雲
天恣引領修途逗叢棘忽入招提境躡磴慰冥搜捫蘿啟幽
騁秋榮麗寒渚朔吹披霞嶺爲從火宅來聊憇空門靜慧性
覺方始迷津誤已永未淨皈依心相睇虛無影肅駕謝珠林
徘徊延夕景

徐園訪金伯謙諸友不遇

久知客郊園炎月阻相訪茲晨邁新霽凌風開颯爽肩輿一

乘興巖扉啟幽敞山中靜無人蘿陰滿書幌坐餘几閣涼愛
此焚蒲長秋事已如斯平疇鬱嘉穰雖乏晤對懽頗諧素心
賞適去復適來聊當看竹往

頭陀生行

并序

頭陀生者故遼藩弄兒國亡後祝髮入道爲襄陽羅
者所得余哀其窮釋焉作是篇

江陵昔曰重驪宴侍兒俱在芳華殿酣歌那省風愆篇狎比
惟看倭幸傳是時頭陀生幾年髣髴繚繞垂兩肩宮娥望幸
不得前眾中一身當三千自謂穠華可長久狂飈忽集章臺
柳天上纔飛司隸章宮中已授邪臣首白馬盟寒帶礪空黃
龍讖應狐狸走六王之鬼餒不脯也裙資客爲鉗徒頭陀何

物么麼者飛身化作崑崙奴袖間金錯一七首腰下赤羽雙
僕姑禁門躍出青天杳白日重關失萬夫往日紅顏堪一擲
行雲過眼湘江碧黃金散盡舞臺傾青鬢悞身真可惜轉盼
君恩不到頭并刀斷送舊風流欲尋雲外龍堂寺不覺秋深
燕子樓浮生如露亦如電流浪年光颯飛箭傷心莫話嘲春
鶯埋骨堪投定惠院場來何事逐紅塵猶是從前一幻身香
飄賦玉侵羅帡淚決流波溼漢津紫盃白衲強裝束伶俚還
帶雙蛾蹙階下低頭望使君十年前是荊州牧奏當還識聖
恩寬讞書終貸伶官戮故國淒涼莫歎嗟飄零行腳向天涯
縱然未了三生債更望何門認主家

齋夜有懷簪冠生宋登春

戍角遙聞城上頭相思眞擬隔三秋寒蟬欲斷歲云暮江葉
不飛人自愁隨尋疏花開短榻持杯殘月在高樓鶯池今夜
酒應熟野白荒荒誰勸酬

秋日登滕王閣

江島浮空浦樹分人煙生處俯氤氲千層白浪帆檣雨一片
青山殿閣雲簾棟故應留勝概斗牛猶自護遺文庾客思
秋無賴淼淼汀花雁夜聞

袁履善有羣昌之命喜而有述

去日能忘范蠡船俄聞五馬出秦川江東秋老鰲鱸後渭北
風高鳥鼠前今代吐蕃頻款塞漢家都尉欲臨邊逢人拂拭
新髭色誰識投沙故少年

泳飛閣

鳥飛詎能泳魚泳詎能飛
吾居魚鳥間川雲澹相依

梨花

隔汧飄殘雪隨風拂晚驂
相逢禁火節江北憶江南

荊州上元曲時在長安旅舍作

春風初到萬家城
火樹銀花相映明
高結綺樓橫十里沿街

齊唱上元晴

辛酉元夕
嘗爲此曲

雕盤翠幕總繁華
誰似朱城帝子家
雲母屏中輝紫電
珊瑚樹底發流霞

千花騎擁白雲橋
月淡煙霏溼絳綃
試聽玉壺沈漏水
西宮隱隱出鸞簫

章華臺迴接沙津隊伍如雲引路塵錦障紗籠移鶴輅香風
散作十街春

田按此數詩述遼邸故事也

清明日作

黃河東去淨春沙一曲溪流似若耶馬上不知寒食過村村
風雨暗梨花

得江陵諸王書答之

故國園池重別離敢將雲壑傲明時如今問我樊川業恐是
前生杜牧之

劉效祖

一首

效祖字仲修濱州人嘉靖庚戌進士除衛輝推官徵

授戶部主事歷員外郎中出爲陝西副使有雲林彙

六卷

海嶽靈秀集仲修七絕得盛唐氣格李伯承之亞也
靜志居詩話副使負經世畧生計吏罷官晚寄情詞
曲所填小令可入元人之室照陵嘗道中使索其題
冊呼曰念菴念菴副使別字也因賦詩云更生雙鬢
已蕭騷敢謂文章擅彩毫過誤偶承明主問因緣不
是鬱輪袍都人傳其事以爲列朝所未有
田按副使七絕風調俊爽王阮亭香祖筆記欲輯其
鄉邦前輩明人有集者五十家而遺副使名則雲林
彙流傳之鮮可知矣

塞上曲

朔風吹雪渡沙場傳道單于獵白狼北望征塵何處是暮雲

無際草蒼茫

折楊柳

楊柳千條拂地垂
春風宕漾客心悲
誰家年少輕離別
偏把愁聲笛裏吹

陳宗虞 一首

宗虞字于韶
閬中人
嘉靖庚戌進士
累官江西副使
有卧雲樓橐六亭集

弇州山人續橐甚矣詩之難言
工情則婉綽而傷氣氣暢則厲直而傷思思深則沈
簡而傷態態勝則冶靡而傷骨于韶爲詩亡不兼美

送胡生南歸

扁舟一葉故園心
斗外輕帆認武林
欲採芳蘅何處泊
太湖湖上水雲深

張四知 一首

四知字子畏汝陽人嘉靖庚戌進士除刑部主事歷
兵部郎中出爲四川僉事遷副使有韶亭集

送盧少溪憲副還東陽

朔風吹野酌去路沂通津旅邸相知少天涯送別頻青山幾
載夢白舫一歸人海內塵方擾君輕避此身

董傳策

三首

傳策字原漢上海人嘉靖庚戌進士除刑部主事以
劾嚴嵩下詔獄謫戍南甯隆慶改元起吏部主事歷
郎中累遷南大理卿進工部侍郎就改禮部有采薇
集四卷幽貞集二卷豳飲集六卷廓然子藁二卷選
盧橐七卷

四庫總目

卷一

九

雲間志畧幼海詩多激烈如其為人

松風遺韻抱一山人詩如兩岸青山天外落一帆明

月鏡中閒落日玄猿嘯峻嶒樓清角下寒灘閉戶

共沾分敬酒當筵俱是異鄉人蝴蝶夢中江草碧鴟

鴟嘯處嶺雲黃天涯作客憐同病人事經秋苦獨吟

皆警拔之句

田按侍郎以繩下過急為家奴所殺恣睢者可以戒

矣

赴戍過馬頰同吳君時來張君紳作

客行九千里舟過十八灘山疑三峽險水似五溪寒挂纜蒼

松杪停燒白石灣路難何足問此地是平安

訪客啜檳榔

急腳蠻奴髻半斜客來提榼手雙叉檳榔擊出斑斕片灰白

萸青當獻茶

邕人以青萸葉白灰和檳榔煎之客至盛榼以獻謂之代茶

寄橄欖

波斯薦翠味回甘嶺樹秋高拂瘴嵐記得吳都會有賦錫瓶

密緘到江南

舊橄欖最佳名波斯種法用錫飯包之雖寄遠不損

邱樞一首

樞字懋實諸城人嘉靖庚戌進士授行人擢刑科給事中進兵科都給事中以事黜爲民隆慶初起禮科未至擢南太常少卿進大理少卿以病歸萬厯中起右通政未上擢右副都御史進刑部侍郎拜南吏部尙書贈太子太保謚簡肅

戊辰元夕吳太宰張侍御移尊見過

煙柳三山寺燈花九陌橋年華殊不負春思轉無聊忽聽尙

黃甲

卷

顧起元客座贅語整南詩頗饒獨詣所著獨璽錄評詩文多前人所未發

烏衣佳話首卿詩陳氏園亭云曲徑沿溪入疏峯帶

神出鬼沒
刀光劍影
五鼎聲侵
夢斷竹色
映階虛秋
興云山高

尸出雁翎刀遠天空人自愁天箭寺云短劍孤懸

田在月太勿云首即林开作勿品耶也主器行

三
人
晚
奴
上
部
文
光
善
敗
其
獨
來
一
日
見
其
不
二

中有陣法等語力大剛差人馬絕之入

年稿拉雜支離如陣騷者多矣所著閩塾洋卽在扁

年稿中其彈劍古人詩文亦互有得失有可取焉

伯祖儒齊諫鳳
藝登集仲成儒
著說辰齋集叔
方濡

著陌花軒集季復儒著振秀開集今皆失傳惟戊儒
詩散見鳳樓稿中如乾坤萬變等蕉鹿英雄一笑齊
金玉又覽鏡漫成嘅孤生只幻塵又試問餘春應幾
許尊前莫斷歌金縷殊是俊句

臘日寄阮按察

不見風流阮嗣宗向來孤性若爲同歲殘瑤草空相憶夢入
深林恐未通隴上梅花還雪色山中竹葉幾春風欲知此日
懷君處正是東山寒雨中

題畫

十里修林帶石橋茅堂背郭隱松濤故人何地來相訪共卧
白雲山月高

河亭

孫楚樓前放酒船秦淮堤上買花鈿誰家錦幘開新月自見

危欄水泊天

王好問 三首

好問字裕卿樂亭人嘉靖庚戌進士除太常博士遷御史歷大理丞通政使遷工部侍郎改刑部戶部進南右都御史就遷戶部尙書贈太子少保有春煦軒集三十六卷

王崇簡畿輔明詩王公好問詩閒淡得陶韋遺意

逢樵者

秋雨洗林麓草色潛寒碧颼颼風吹衣泠泠泉激石偶同樵者行雲閒意俱適
嘒幽谷靜鶴唳空山夕微鐘發暝煙明
月送歸客

休沐

暫從賜沐暇適出曠遠情散步出虛齋坐聽山鳥鳴疏雨動
微涼纖雲弄晚晴尋幽涉竹徑不知新筍生道人偶相訪道
我沖虛經大道惡多岐全身貴逃名真言誠可擇吾心本無
營

來江亭晚眺

長空湛湛月朧朧南國江山如鏡中六代遺蹤何處問秣陵
寂寞起秋風

方弘靜一首

弘靜字定之歙人嘉靖庚戌進士除東平知州遷南
戶部員外歷郎中出爲四川僉事歷江西副使進參

政遷廣東布政使以右副都御史巡撫浙江罷歸起
撫鄖遷南戶部侍郎贈工部尚書有素園存稿二十

卷

新都秀運集定之抱性幽閒溫秀故其修詞吐氣有
似於人若流水不知處處幽禽相與飛不知春色滅忽
見林花飛永日空山寂幽蟬時自吟宛然王孟遺響
也

訪程山人不遇

避喧來谷口愛此青松陰永日空山寂幽蟬時自吟花源應
未隔蘿徑杳難尋稍覺塵心豁方知仙境深

馮舉謨一首

舉謨字明卿海鹽人嘉靖庚戌進士官刑部郎中出
爲江西僉事歷廣東參議副使進福建參政有豐陽

集十二卷

宿石屋山寺

青天萬仞插芙蓉迴合珠林翠幾重
秋老荒苔飛葉墮客來燒芋有僧供
雲脚佛閣金鋪暝山盤仙壇石髓封
聽法欲尋龍起處滿空寒瀨夾疏鐘

陳柏一首

柏字子堅河陽州人嘉靖庚戌進士授兵部主事歷
郎中出爲山西副使有見南江閣詩選九卷文選十
四卷借山亭前集詩六卷續集六卷來青軒詩選四
卷文選八卷通樂軒詩選一卷

四庫總目

柏詩頗宕逸有姿而失於薄弱

田按子堅子主叔與七子游倡和極多子堅晚始爲

詩亦與七子通聲氣人比之高十五子堅有句云何人曾似高常侍五十二詩亦善鳴紀其事也

送韓生歸吳興兼呈陳陸二丈

憐汝何落魄栖栖空遠遊秋風吹柵葉送上九江舟山連西塞若溪水歸去鱖魚肥且美陳琳豪興筆若椽陸機藻思才如綺相逢備問漢陰夫爲言憔悴今若此

翁夢鯉一首

夢鯉字希登莆田人嘉靖庚戌進士除知縣徵授戶部主事謫潮州通判遷惠州同知擢廣東僉事有戶部使吳謫居等集

蘭陔詩話雨川詩情清婉五律擅場

早春麻城界河

客行初入楚風日麗長亭野草生荒岸沙禽浴晚汀溪流新
雨活樹帶去年青轉憶西來道孤鴻雪裏聽

方攸躋一首

攸躋字君敬莆田人嘉靖庚戌進士除南戶部主事
進員外有草堂集陳岩集

懷吳明卿

一別河梁已隔旬征衣遙逐楚山塵平原渺渺愁孤客芳草
萋萋憶故人鴻雁漸依彭蠡渚桃花擬泛武陵津才名汝亦
吳興守何處汀洲採白蘋

黃謙一首

謙字亨大莆田人嘉靖庚戌進士官刑科給事中有

萬玉山藏藥十六卷

蘭陵詩話亭夫集中佳句如珠海南浮鷺鷥母蒼梧
西去弔湘君亂後衣裘長作客愁中風雨再逢君立
苑名王修馬貢白羊守吏獵春田滄海總歸周白雉
水軍盡立漢朱旗皆佳句也

惶恐灘

宋文信國被俘過此

雙淚秦庭事忍言南天不用北來魂
灘聲似解孤臣意日日奔流到海門

樂尙約

一首

尙約字孔源膠州人嘉靖庚戌進士除溧水知縣徵
授江西道御史謫安州判官遷懷慶推官被論削籍
有百一集

寄趙潛菴

聞道西石隱溪南日掩門里兒笑茅屋詩客問山村午夢春
池草秋閒夜月樽相思燕水關東望一銷魂

王應時一首

應時字懋行侯官人嘉靖庚戌進士歷官雲南按察使

留侯故城

野色餘衰柳荒城只故邱間關思附漢恬淡乞封留廢阪牛
羊夕空碑草木秋采蘋聊一薦千里白雲愁

王汝述一首

汝述字朝明金華人嘉靖庚戌進士除吉水知縣徵授刑部主事歷郎中出爲貴州參議

貴陽道上

今朝縣雨歇昨夜布衾寒
山色青堪染溪陰綠可餐

林大春 一首

大春字井丹潮陽人嘉靖庚戌進士歷官浙江副使
有井丹集十五卷

寄謝茂秦

梁苑多詞客漢家今幾人
鄒陽久零落枚叔已風塵
老去惟君在書來憶我眞
聲名滿京洛何處覓垂綸

葉春及 一首

春及字化甫歸善人嘉靖壬子舉人授福清教諭遷
惠安知縣再遷賓州知州以病移文卽歸削職爲民

起興國知州未赴遷鄖陽同知徵授戶部員外遷耶

中有石洞集十八卷

四庫總目春及詩音節清亮

靜志居詩話綱齋令惠安幾與姑臧萊蕪比潔解組歸隱居雜淨之石洞雖以講學間詩不墮程邵門戶

遊黃塘山莊

得暑辭城市言從此地遊樹深芳徑曲花密石堂幽野蕨同
僧飯陰崖得句留分明絕塵想身外更何求

張鳴鳳

三首

鳴鳳字羽王臨桂人嘉靖壬子舉人除雷州司理改
黎平謫六安判官遷應天通判謫利州衛經歷改王
府官有萍浮東潛過江河垣謫台東漕粵臺等集

四庫總目

桂勝十六卷

桂故八卷張鳴鳳撰

桂勝以山

水標目各引證諸書敘述於前即以歷代詩文附本

條下而於石刻題名之類搜采尤詳又隨事附以考

證多所訂正後重斯張吳興備志朱彝尊日下舊聞

即全依其體例於地志之中最為典雅故分郡國

官名先政先體例於地志之中最為典雅故分郡國

武功志韓邦靖朝邑志外自為別調可以鼎立而三

田按嘉靖王靖朝邑志外自為別調可以鼎立而三

西臨桂竹垞詩綜誤以羽王為豐城人江西豐城一廣

會煥江西詩徵因仍不改羽王為豐城人江西豐城一廣

為世所重其論明詩云蕩除積習北地汝南亡政輕

議正嘉之際黃嗣王延陳毫薛蕙情韻秀藻為美海

爽後來其為高子業乎又云于鱗嶽挺靈端元美海

涵天際子相儒而不深公實麗而不壯蓋靈算脫逼

則然所論不出七子窠臼語亦切當惟推崇吳明卿

篇古中程首稱精雅於七子間不無所蔽其集今亦

不甚流傳

白雀洞

白雀去已久深岩名不滅遙思千載人風素何高潔

夕陽洞

煙際度歸樵明滅不可辨返照射西崑潭光映東爍

離江口田家

楂圓橫侵汲道崖傾半沒楓潭落日射魚磯上閒時種豆山南

來知德二首

知德字矣鮮梁山人嘉靖壬子舉人以薦授翰林待詔有瞿唐日錄三十卷

田按待詔研精易理詩多蕭閒之趣

對酒

地幽春水淨花發夕陽遲白水盧仝宅青山謝朓詩羣鴉歸

碧樹獨鶴下荒池無限江湖思留連到幾時

秋風

爲懶茶經熟因閒瑟譜工時清客蹇拙道在任窮通殘葉迎
霜赤寒花映日紅人生花葉共風至自西東

李尙實

一首

尙實號子虛長治人嘉靖壬子舉人除輝縣知縣改
洪縣遷裕州知州有蕭然亭集

題暴尙書祠

尙書祠屋古城新小撥溪毛薦渚蘋左右何勞兵義士乾坤
故使有頑民直言晁氏能安漢錯把周官解誤人夜閣一龕
燈火寂青廟木杜鵑春

明詩紀事

貴陽陳田輯

目錄

孫應鰲十二首

應鰲字山甫清平人嘉靖癸丑進士選庶吉士改戶科給事中出爲江西僉事歷陝西副使四川參政隆慶初擢僉都御史巡撫鄖陽罷歸萬歷初起故官入爲大理卿進戶部侍郎改禮部掌國子監事以病歸起刑部侍郎進南工部尙書贈太子太保諡文恭有學孔精舍集稿十六卷

任瀚忠齋逸稿山甫詩如七十二君封泰山望見滄海有無中盛氣樓閣盤薄煙屏景光萬狀脩然起僊

太玄亭詠懷

靈霞外之思
黔詩紀畧先生五言沈雄森秀直逼魏晉七言近體
舒和蒼潤品亦在初盛唐間
田按黔人講學自陽明謫龍場始開端緒先生後
陽明數十年弟子九試儒士見知於督學貴溪徐樾
爲陽明再傳弟子先生夢陽明續懷詩云平居學道
心晚路執期許年往漸無聞歸來宅幽陋先覺遺良
模神交脩相與纏綿心曲事懇款夢中語精爽借寤
言意氣同居處徒增覺後悲拊循轉裏楚鄉往之情
可謂篤摯先生著書有教秦緒言一卷教泰總錄四
卷淮海易談四卷莊義要刪十二卷左粹題評十二卷
幽心瑤草一卷莊義要刪十二卷左粹題評十二卷
六卷集稿中五古超曠之致大類薛文清七律亦取
軒俊爽竹垞詩綜僅錄華山一絕蓋未見全集也

高士有洞觀亦貴居要妙別墅茲澄鮮神情敢臨眺青邱帶
陽暉翠煙上蘿蔦往古不可興遺言寤末照覽書意有合悠
然發長嘯賞理林壑間自信匪凡調

坐對南山

南山鬱崔嵬蒼翠日引領城府紆僻地衡門敞幽境高樓十
畝閒自覺百慮屏石牀春正溫松籟夜逾靜超然悟至理天
光發真境

連得鄒穎泉書

我家金華墟雲山接楚甸重君千里情書札屢軫眷人生際
相知豈必見顏面款曲書中意耿耿迴英盼勉我修令德期
我展嬾變空齋望所思良會未有便不教蕙草殘香風時宛
轉

顧會塘間過草堂

異患得遣釋處約良自安便嬾三徑中不知春色殘時有野

客來披裘岸鵲冠握手忘揖讓談笑投交歡山空卉木深天
遠雲水寬徘徊物外心傾倒誠非難幽棲保微尚因之歌者
繁

同蔣楊二丈沿二水交流處坐嘯

溪流抱荒城縈波鎖崇巘半壑相延緣孰謂川途遠隔巖水
氣涼盤石煙姿煖清瀉涵空明臨軒坐忘返陸茲魚鳥情行
雲自舒卷高嘯投素心野曠白日晚

疑塚

疑塚七十二曹公慮已極王業已難存枯骨豈能必高原下
牛羊日暮生寒色

訪五山勝壽禪林

空城存古寺寂寞已無僧獨有橫經客時分供佛燈淡雲盤
老桂寒日隱荒藤斟酌談時事相看百感增

宿李伯貞百鍊莊

野屋全依石幽局半掩山出郊期信宿對客破心顏高樹夕
煙外亂禽秋渚閒自然清晏足城市不思還

棲賢橋

雨霞變幻少定色掃石共坐巖溪頭鐵船紫霄峰獨秀金井
玉淵山更幽巾裘隨意郭文舉獵釣無心翟祖休采采仙源
有靈藥得之還贈同心儔

重經華陰

太華少華何絕奇我昔登覽偕前期朝發山陽夕陟巘北飲

飛泉南採芝紫雲暫憇不滿意立圃重遊空繫思明日出關
彌遠路私微所傷當語誰

題培竹李公仰泉書院

喬木森森卉草芳中丞別業午橋莊樓臺盡覽山川秀綸綈
高懸日月光萬竹曉寒開翠幄一泉春暖浸銀塘異時強爲
蒼生起猿鶴翻憐秋夜長

題口南精舍

瀟灑郊坰向秀園水雲千頃映柴門披襟獨鼓南薰調愛客
時開北海尊煙浦疏風間鶴侶石苔新雨長龍孫種桃他日
塵寰隔雞犬林深自一村

張四維一首

四維字子維蒲州人嘉靖癸丑進士改庶吉士授編
修歷中允諭德超擢翰林學士拜吏部侍郎充東宮
侍班官掌詹事擢禮部尙書兼東閣大學士入贊機
務加太子太保進文淵閣大學士進少保武英殿大
學士加柱國少傅兼太子太傅進少師兼太子太師
改吏部進中極殿大學士贈太師諡文毅有條麓堂
集三十四卷

國史唯疑張文毅於江陵歿後不乏反正功論者顧
苛繩其曩日遜事江陵狀然則華亭之於分宜非歟
張當國未久以憂去甫釋服驟卒不竟所施使吳門
得徐收之爲名士君子志大有爲於天下亦自有幸
有不幸

田按文毅王鑑川甥鑑川款議淹答封貢朝右持不
決文毅與鑑川書封貢事者二十三札今具在集中
爲交關於新鄭款議遂成萬厯一朝宰輔攘外安內

首推江陵如文毅通知邊務亦豈易得

長陵

文皇本意清龍朔陵墓依然控紫荆雲繞金墉新寢廟霜寒
石壘舊屯營銀鳧夜沒三泉影鐵馬秋歸萬木聲明月滿山
宮漏靜斗間猶有劍光橫

塞上曲

紀癸亥秋宣大事

胡馬秋肥塞草長彎弧直擬犯漁陽歸途卻避弓閭水知是
嫖姚舊戰場

姜寶二首

寶字廷善丹陽人嘉靖癸丑進士選庶吉士授編修
出爲四川僉事歷河東參議福建副使南太常少卿

就遷國子祭酒擢刑部侍郎改吏部進禮部尙書加
太子少師有鳳阿集三十六卷

送陳君務齋歸越中

古人重分袂一日如三秋後晤無前期使我憊欲賙去影已
泛泛居情尙悠悠昔以花時至花落君不留明年花發時還
應思舊遊

山行

綠陰愛欲留青山行不住回首聽泉聲忽焉得佳句

劉堯誨一首

堯誨字君納臨武人嘉靖癸丑進士除新喻知縣徵
授南刑科給事中以事罷歸起上海縣丞歷遷右僉

都御史巡撫福建進右副都御史以兵部侍郎總制
兩廣拜南戶部尚書改兵部有留垣吟稿虛簾集

遊武夷

三十六峯明月多美人隔水奏雲和相逢卽是人間路翠黛
芙蓉奈爾何

羅汝芳一首

汝芳字惟德南城人嘉靖癸丑進士除太湖知縣徵
授刑部主事歷郎中出爲甯國知府改東昌歷雲南
副使進參政有近溪子集十四卷

遊紫霄觀步同年李詠菴韻

紫霄深處九回溪溪上巖巒北斗齊龍隱碧潭花氣含鶴集

蒼樹野煙迷春光愛客晴偏媚山鳥窺人煖自哢路迴不妨
乘夜入石床雲滿足幽棲

胡汝嘉五首

汝嘉字懋禮南京鷹揚衛人嘉靖癸丑進士選庶吉
士授編修出爲山西參議有舊園集沁南稿

金陵瑣事胡秋宇書得意之筆酷似枝指生山水脫
去塵俗但所畫者不多耳

潘國集胡懋禮書爲金陵名品行草出二王父子隸
書規模元常大令古雅中天趣溢發

朱陸揮波上集余往評騰白下諸賢之作華王秀而
整魯南婉而麗伯時醕而增欽佩雋而質應午俊而

雅元舉清而瞻沁南先生則兼總羣材命令當世誠
清廟之韶護詞林之冠冕

顧超元客座贅語胡秋宇先生在翰林日以言忤政
府出爲藩參先生文雅風流不操常律所著小說數

種多奇點其紅線雜劇大勝梁辰魚
烏衣佳話胡懋禮佳句過黃華山云林鴉翻眼色岩

樹駐秋雲嘯臺云澹雲千里色落日半巖陰
田按秋字能書能畫能詞曲詩亦格律道上詩綜不
錄一字余亟補之秋字又富收藏書畫幾與黃美之
埒如摩詰江天霽雪卷宋榻黃庭肥本爲墨帖之冠
均在其家

邵原里在濟源西有大棠樹云是邵伯所酣者按邵公
分陝當在西而西伯時巡行亦未必至此據志當是
畿內采地耳

驅車濟源西稔駕邵原里聞昔分陝公會此駐高軌棠樹有
遺愛居者尙能指畫謂棠久存人心有如此古人重旬宣利
病得所理況當竭澤時王室正如燬二南肇西周大統自茲
起蔽芾有遺歌萬古勤仰止

齋居漫興

千里晴光野望同
浮雲消盡太行東
清時更隱依河曲
故國書來問桂叢
山鳥下階衙鼓寂
松陰覆地訟庭空
一官寧落無裨補
稍喜閭閻有素風

盤谷道中

碧樹亭亭不作林
平疇秀色雨餘深
野雲過溪結高蓋
山溜遶田鳴素琴
千楓歷亂駐晚照
萬壑慘澹生秋陰
計日授衣寒節至
誰家村巷聲藁砧

子夜歌

蠅蛸網朱戶
露葉藏暗榮
與君幾時別
忽地秋風生

汝府故宮

璇題畫棟鎖層城
十載緱山罷鳳笙
惟有舊時花鳥在
錦香

猶護管絃聲

吳時來 一首

時來字惟修仙居人嘉靖癸丑進士除松江推官徵
授刑科給事中以劾嚴嵩下詔獄謫戍橫州隆慶初
詔復故官改工科擢順天府丞以南右僉都御史提
督操江改巡撫廣東以事貶雲南副使旋落職閒住
萬歷中起湖廣副使擢左通政進吏部侍郎拜左都
御史贈太子太保謚忠恪尋被論奪謚有悟齋集十
五卷

烏石山房

滯雨減遊蹤乍霽快清曠綠楊蕩微煙碧水欣初漾綠澗芳

不歇依牆苔猶上林端見遠山四面圍青嶂願言結吾廬微
生託此養

龐尙鵬一首

尙鵬字少南南海人嘉靖癸丑進士除樂平知縣徵
授御史歷大理寺丞以右僉都御史分理九邊屯鹽
尋命兼領屯務以事斥爲民萬厯初起故官巡撫福
建拜左副都御史以忤張居正罷官天啟中追諡惠
敏有百可亭摘橐九卷

答友人話舊

西北風塵地那堪夜次寥與誰籌國事何日破天驕塞馬箠
論失江鱸早見招薄軀猶善飯撫髀未全消

蔣焯一首

焯字子厚全州人嘉靖癸丑進士改庶吉士授御史

汪森粵西文載子厚方入臺遣監刑見楊員外繼盛獄具將刑具奏曰繼盛越職妄言自取重辟其妻哀懇願以身代夫匹婦何知一死非易繼盛既不能將順聖明又何能饑餓型寡妻此必中有激而然也繼盛就刑妻必并命恐傷陛下好生之仁令匹婦立義千古願陛下將繼盛暫緩其死勿令下車泣罪惟禹以一女子上書貸父惟漢文則萬世後頌陛下之仁超軼二帝矣奏上不報繼盛死於市子厚移病歸卒

寓願憶醉翁耶那次韻

古寺清亭想勝遊昔賢應為此淹留
天花夜落空壇靜石壁雲生小洞幽
出定僧歸芳草徑酣歌客倚夕陽樓
紫微泉遠人何處明月溪深水自流

侯祁一首

祁字應文郿城人嘉靖癸丑進士歷官岳州知府

秋夜

風葉走空庭疑是夜來雨懷人正未眠更聽寒蛩語

曹梅一首

梅字子和鹽山人嘉靖癸丑進士官郎中

自華陰移官淮上

萍蹤隨浪轉衰鬢逐愁新孤遠三年謫風霜一僕親華山方
緊夢渭水舊知津自笑馮唐拙誰憐易老身

劉侃二首

侃字正言京山人嘉靖癸丑進士授戶部主事歷郎
中出爲成都知府累官福建布政使有新陽館集

春暮

風吹山雨度
簾櫳
拍點茶蘼半已空
二十四番花信過
獨留芳草送殘紅

過水下口

山樹參差石徑斜
朝來飛雨灑桑麻
山翁放罷村前犢
倚杖溪頭看稻花

曹大章 三首

大章字一呈
金壇人
嘉靖癸丑第二人及第
授編修
有含齋集十六卷

田按含齋文頗馳驟授館職後分宜相值西苑黜墮瑞牒應時而作鹿表芝頌倚以爲辦後與分宜子世蕃往還過洽時有齟齬勒致仕時年方四十無以耗壯心良辰令節輒建戲車樹修旂陳倡優聚僮僮爲

角觥曼延之戲王肯堂序合齋集稱其性躁動每爲
文必於語笑伎樂喧闐之時落筆如飛故不暇檢拾
而豪詞麗語亦復可喜

送楊安峯還楚

憐君新墨綬忽起故園情拂袖辭江縣懸帆入郢城青山行
處待綠柳望中迎此日河橋別暮雲天際橫

贈吳夢義歸歛

十里平湖月夜橋秋風聲動大江湖故人止在黃山畔海鶴
長天不可招

贈美人兼呈曹北海

昔時結客少年場浪向瑤臺覓鳳凰今日逢君看舞袖風流
不減舊時狂

陳珊一首

珊字鳴仲一字近衡銅仁人嘉靖癸丑進士授行人

出爲襄城知縣遷兗州同知

點詩紀畧近衡以忤嚴嵩官黜離不達嘗銘其座右曰士大夫能以居鄉之心居官天下必無冤民能以居官之心居鄉天下必無請託人以其爲名言近衡之謫官也在真定題詩有憂時頗恨成名晚之句孫淮海先生見而傷之賦詩云朗誦河舟賦憐君憂世心成名良以晚興謗一何深威鳳摧長翮賓鴻滯好音治田言笑在懷想淚沾襟

入蜀次杜老秋興韻

少陵當日瀝西頭襟抱惟將託素秋
靈武幸聞龍馭起潁陽誰引羯胡愁
恥從濁世歌衰鳳故傍清江墩狎鷗
落莫昔賢棲息地徒令千載詠夔州

鄭茂一首

茂字士元莆田人嘉靖癸丑進士除海鹽知縣擢兵科給事中歷官河南按察使有忠園詩集

弔屈原

洞庭南望夕陽多杜若陰陰覆汨羅去國丹心懸日月懷沙
遺恨泣龍盤故宮搖落餘三戶詞客淒涼自九歌投閣于雲
空著賦反騷當日意如何

王詠一首

詠字口口嘉定州人嘉靖癸丑進士官江西參議

西坡寺

爲愛西坡寺閒行損綠苔浮雲如客懶盡日傍高臺

何東序

一首

東序字崇教猗氏人嘉靖癸丑進士授戶部主事歷員外郎中出爲衢州知府遷山東副使以右僉都御史巡撫延綏進右副都御史有九愚山房集九十七卷

少林寺

住世還遺世觀空不是空影堂千古月響塔萬山鐘

方萬有

一首

萬有字如初莆田人嘉靖癸丑進士選庶吉士改工科給事中有頤菴藏稿

留別楊郡伯

兵甲滿天地客行安所如登高覽八荒忽焉獨躊躇欲濟河
無梁涉遠塗無車回首盼鄉國門巷莽邱墟十室九無人荒
田孰與鋤卒歲道途間中情鬱以紆夢魂招不定夜夜反舊
廬

王司大一首

可大字元簡吳江人南京錦衣衛籍嘉靖癸丑進士
授刑部主事歷員外郎中出爲台州知府以事罷歸
起興國州判歷黃州通判承天同知徵授南戶部郎
中未赴除瓊州知府有三山集稿續稿白雲稿

顧起元蠓真草堂集少治公書法規撫徐九峯金山
農晚又出入鮮于伯幾自謂能得其意
金陵瑣事王太守元簡佳句壽州渡河云沙淨空山
雨風香野岸花

捉搦歌

冽冽西風野草黃征衣無絮妾無裳
海頭紅日朝朝出不照
深閨瓦上霜

秦末二首

禾字子實無錫人嘉靖癸丑進士除武康知縣徵授
戶部主事歷員外郎中出爲金華知府改永昌

田按子實令武康時得朱本孟東野集鏤板傳之頗
稱好事小詩亦有別趣

暮春漫興二首

風光滿眼不一醉籬邊小桃應笑人
百年幾何如逝水莫負
城南三月春

莫笑幽齋絕低小紙窗虛明塵事無
階前春雨草漸長便有

小禽來哺雛

鄧元錫 三首

元錫字汝極南城人嘉靖乙卯舉人徵授翰林院待
詔有潛學稿十九卷

田按汝極講學闢佛甚嚴異於姚江之末派詩亦不
入聲壤錄曰

雜感

幼安客遊東冰雪澡其腸匡坐一木榻耿介懷虞唐龍不見
成德鳳覽輝而翔阜帽高切雲我我繫予望

贈陸丞還海南

陸公起家本宿儒胸藏幾卷槃孟書賦詩煙雲走碧落著論
勢力排玄虛劫來偶作哦松吏五載黎江那自意簿書堆案

秋色高探奇且拂凌雲袂未論撫字拙催科造請公門厭苦
多城闕早報丞趨謁卓午回車徑不過自知骨相合偃蹇卽
使踟躕甯得免大官束吏如濕薪誰哉經術談深淺德清許
公守郡時焚蕪吏雲猶見知只今公去木葉脫西風獵獵吹
人衣曳裾王門亦不惡錢塘風土殊自樂八月胥江潮正高
海門夜半銀潢落泛湖船美湖淪漪筆床茶竈行相依招邀
爾祖天隨子去采金華九疊芝

出廬山

自抱朱絃古知音恨獨難高秋忽搖落歸夢滿關山白髮不
盈握丹梯能再攀寒泉將白石相送共潸潸

明詩紀事

貴陽陳田輯

目錄

吳文華 二首

文華字子彬連江人嘉靖丙辰進士除南兵部主事
歷員外郎中出爲湖廣副使改廣西歷四川參政河
南布政使以右副都御史巡撫廣西遷戶部侍郎請
終養歸起兵部侍郎仍撫廣西遷總督兩廣軍務進
右都御史召拜南工部尙書就改兵部引疾歸起南
工部尙書不赴贈太子少保諡襄惠有濟美堂集四
卷

遊天界寺投半峯斌上人

經年淹畫省初識遠公名竹日搖壇席蘿雲覆石屏詩情歸
正始法性證無生惆悵山門去依然慮慮營

汴中書懷

舊薇花發燕雙飛簾捲斜曛案牘稀推卻素琴成小憩東風
吹夢到漁磯

胡直三首

直字正甫泰和人嘉靖丙辰進士除刑部主事歷郎
中出爲湖廣僉事遷四川參議以病歸起湖廣副使
遷廣西參政有衡廬精舍藏彙三十卷續稿十一卷

四庫總目直家泰和東距衡山不千里北距廬山亦不
千里故取二山之名名其書室因以名集直初從歐

陽德遊又從羅洪先遊其學一以姚江爲宗明儒學
案稱其少駘宕好攻古文詞年二十六精講學故其
文章頗雅健有格
孫應鰲學孔精舍彙稿正甫胸次洞然有物我同體
之懷故其詩暢而鬱直而婉天趣獨深非追琢可及

得侯介潭消息

消息西來未忍聞若爲多難復離羣投荒自分先朝露歎逝
那知對隴雲隔歲行塵猶避馬早春芳草已孤墳生還儻過
山陽道長笛何堪聽夜分

二月一日曉渡泰和江

綠楊接葉杏交花嫩水新生尙露沙過了春江好回首汀洲
一帶有人家

西昌沈氏有山谷書杜陵山水圖障歌作江山堂堂廢

其後人以黃書求題感賦

杜老已亡黃九去長歌大字落江山百年風物今何似春水
晚煙飛白鷗

鄭洛一首

洛字禹秀安肅人嘉靖丙辰進士除登州推官徵授
廣東道御史出爲四川參議歷山西參政浙江布政
使以右僉都御史巡撫山西改大同進右副都御史
入爲兵部侍郎出總督宣大山西軍務進兵部尙書
加太子少保進太子太保入理戎政詔兼右都御史
經畧陝西延甯甘肅宣大山西邊務加少保贈太保
謚襄敏

秋暮期張直軒過陽和卻寄

楓葉離離霜滿枝
懷人恰是雁南時
尊中我有平原酒
客裏誰憐塞北思

姚汝循 五首

汝循初名理以字行改字敘卿永康人南京錦衣衛
籍嘉靖丙辰進士除和縣知縣徵授南刑部主事歷
員外郎中出爲大名知府以事罷歸起桂陽州同遷
嘉定知州有屏居集八卷浪遊集六卷耕餘集八卷
烏衣佳話姚太守敘卿佳句雨閣凝香暇春山露冕
餘煙暝前村樹風傳何處鐘纖月墮池樹涼颿來石
林春原並馬花交路秋寺連床月滿林
列朝詩集敘卿詩如酒邊過白鳥鏡裏出青山閒花
苔上落清磬雨中沈離愁隨草長別淚迸鶯囀宿雨
清郊潤和風白裕輕朝起輕風生遠浦夜涼明月滿

扁舟觀其風流吐納居然名士

靜志居詩話敘卿詩格不高然五古遠倣陶韋近體能宗大厯此益藩嶺南道人入之李何諸公之列目爲盛朝十二家也田按敘卿輯金陵風雅四十卷見焦竑經籍志惜此書不傳

與孫俞二山人金大令忠覺義小集雪浪禪房

言訪招提境因過祇樹林閒花苔上落疏聲雨中沈妙供分香積清歌寫梵音回看城郭者役役果何心

秋日登白鶴樓小集

江天新雨後仙閣白雲間偶爾一樽共蕭然萬慮刪長風送虛籟落葉滿秋山欲問前朝事江流去不還

晚泊荻港

扁舟臨荻港落日下高舂煙暝前村樹風傳何處鐘途窮悲

作客宦拙羨爲農負弩遙相逐而今豈再逢

潯陽夜月

夜泊潯陽月滿船蕭蕭蘆荻冷秋煙孤臣此日青衫淚不待
琵琶已泫然

舟泊松溪聞簫

倚棹松溪落日斜故山悵望隔天涯紫簫吹出江南弄那得
行人不憶家

張潛一首

潛字用昭華州人嘉靖丙辰進士除戶部主事遷員
外改禮部遷郎中出爲廣平知府遷山東參政有東

谷集

玉泉山

山椒臺殿與山齊
蘿逕逶迤獨杖藜
自擣松花供濁酒
旋分柿葉寫新題
虹收急雨方回澗
風逐癡雲半渡溪
閒步空階春事晚
飛飛雙燕已銜泥

劉穩一首

穩字朝重鄜人嘉靖丙辰進士除南兵部主事歷員外郎中出爲廣東僉事進副使以病歸起廣西副使改廣東進參政擢南太僕少卿有山房漫稿仁山集十二卷

能仁寺酬九峯過訪

禪床遙憩祇林幽
散髮高眠得自由
豈謂故人成遠夢
依然

天際見歸舟百年萍梗驚難定一徑松蘿暫留分手莫辭
雲樹杳春山無伴更相求

黎民衷

一首

民衷字惟和從化人民表弟嘉靖丙辰進士除吏部
主事歷員外郎中出爲廣西參政有司封集

太平寺

釋子離人羣高居遠俗氛開門山色近汲澗水源分禪榻常
棲月僧衣半裒雲萬緣俱寂後鐘磬夜深聞

林潤

一首

潤字若雨莆田人嘉靖丙辰進士除臨川知縣徵授
南山東道御史以糾捕嚴世蕃就擢通政司參議歷

太常少卿以右僉都御史巡撫應天

蘭陔詩話嚴世蕃羅文龍遣戍已復亡之家若雨馳至九江捕之王元美袁江流樂府所云御史乘飛甍捕司空至京是也今傳奇猶演之

秋興

愁思悠悠客裏情
可堪落葉動秋聲
月高蘭渚歸旌遠
風度蘋洲去棹輕
烽火有時傳北塞
甲兵何日靜山城
萬方多難奔馳苦
夜雨寒窗夢不成

陳聯芳

一首

聯芳字以成閩人嘉靖癸丑進士累官光祿卿

荷亭餞送長樂張主簿之京

去去勞王事
其如戀別何
扁舟吳渚渡
匹馬宛陵過
雁斷秋

風急蟬驚落葉多西亭一尊酒相對聽驪歌

鄭雲鑒 一首

雲鑒字邦用閩人嘉靖癸丑進士授戶部主事歷員

外郎中出爲副使累遷河南布政使

田按癸丑題名碑錄無邦用名余檢林廉福州志徐
題晉安風雅均云邦用嘉靖癸丑進士當係題名碑
偶遺耳

送劉計部守成都

地稱分鼎舊恩爲剖符行雲雨過巫峽煙花向錦城握蘭蓬
漢署折柳戀王程弔古詢遺俗文翁有令名

盧仲佃 一首

仲佃字汝田東陽人嘉靖丙辰進士除晉江知縣改

福安徽授刑部主事改兵部歷郎中出爲成都知府
累遷廣西布政使降廣東副使有何莫軒集

金華詩錄汝田詩如得句每於看竹後懷人定在明
月時酒杯詩卷空湖海蘿月松風自管絃意境俱佳

舟行

囊有焦桐琴手拙不能理偶懷陶徵君白鷗忽飛起

侯廷柱

一首

廷柱字子任諸城人嘉靖丙辰進士歷戶科給事中
改刑科出爲南陽知府未赴以察典罷

遊常山

僻性耽山水況逢三月三清尊留古寺素髮照空潭雨歇嵐
光靜春深花氣酣莫嫌歸路晚別墅更停驂

奈翔 五首

翔字宗漢蒲田人嘉靖戊午舉人官全椒知縣有薛

荔園集四卷

田按宗漢以四律投王元美未報後復自攜七絕句訪元美於弇園元美依韻和之有云十八娘紅生荔枝蟬房舌嫩比西施更教何處誇三絕爲有奈郎七字詩元美作四十子詩復及宗漢云陶令謝彭澤奈令辭全椒俱言以酒廢無乃爲折腰陶影不出山奈跡不入里當其傀俄時千載如一軌新詩亦自佳能諸世人耳元美自以高節許之宗漢詩自爲一派不必近七子也

舟中有懷社中諸子

悠悠溪中水瀟瀟溪上雨薄暮倚扁舟徬徨誰與語鳥雀下林悲啾啾求其侶豈無心所歡一別在何所逝水無還期青春復幾許美人期不來望望空延伫

見二毛作

生事惟高枕蕭然已二毛山中歌扣角花下醉持螯身世窮
何礙風塵夢亦勞但教無俗物隨意讀離騷

懷仁甫

柴門生事微久息漢陰機流水煙初暝斜陽鳥乍歸酒憐稽
叔夜詩憶謝玄暉遙隔三山外江鴻何處飛

春園卽事

睡起西齋日欲斜溪邊汲水自烹茶捲簾坐看雙飛燕衝落
櫻桃幾片花

題山寺

幾度探春路不迷尋僧又過竹林西青山盡日無人到雙樹

陰中一鳥嘯